



### Belgenin Transkripsiyonu:

Erbâb-ı timârın bedelleri emridir.

Mefâhirü'l-kuzât ve'l-hükkâm me'âdinü'l-fezâ'il ve'l-keîâm Ankara sancağında vâki' olan kadılar -zîde fazluhum- **tevkî'-i refî'-i hümâyûn vâsıl olcâk ma'lûm ola ki** livâ-i mezbûrede vâki' ze'âmet ve timâra mutasarrıf olan müteferrika ve çavuş ve kâtib ve şâkird-i dîvân ve defter-i hâkânî ve sâyir zu'amâ ve erbâb-ı timârın sefere me'mûr olmayanların mutasarrıf oldukları ze'âmet ve timârlarının bin altmış altı senesine mahsûb olmak üzere defterhâne-i âmiremnden verilen mühürlü sahîh ve cedîd icmâl defteri mücebince her bin akça yazularından beş yüz akça mîrî bedel ve yüzer akça mübâşire vech-i ma'âş olmak üzere vakt ü zamânıyla cem' ü tahsîl ve dâhil-i hazîne etdirilmek **fermânım olmuşdur, buyurdum ki** hükm-i şerîfimle ebnâ-i sipâhiyândan kıdvetü'l-emâsil ve'l-akrân Mehmed -zîde kadruhu- vardıkda bu bâbda sâdir olan emrim üzere amel edüb dahi livâ-i mezbûrda vâki' ze'âmet ve timâra mutasarrıf olan dergâh-ı mu'allâm mutasarrıfaları ve Dîvân-ı Hümâyûnum kâtibleri ve çavuşları ve defterhâne-i âmirem kâtibleri ve şâkirdleri ve sâyir zu'amâ ve erbâb-ı timârın sefere me'mûr olmayub ve seferde mevcûd olmayanlardan mutasarrıf oldukları ze'âmet ve timârları için târih-i mezbûra mahsûb olmak üzere defterhâne-i âmiremnden verilen mühürlü sahîh sûret-i defter-i icmâl, kendü mevcûd olanların kendülerinden, mevcûd olmayanların subaşlarından ve subaşları mevcûd olmayanların ze'âmet ve timârları mahsûlünden re'âyâsı yedinden her bin akça yazularından beşer yüz akça mîrî bedel ve yüzer akça mübâşire vech-i ma'âş olmak üzere vakt ü zamânıyla cem' ü tahsîl ve dâhil-i hazîne-i âmirem etdirüb kimesneye ta'allül ve nizâ' etdirmeyesin, cânib-i mîrîye özr ve zarar olmakdan ve hilâf-ı şer' ü kânûn zulm ü ta'addiden ve seferde mevcûd olanların ve Asitâne-i Sa'âdetimden bedeliyyeleri in'âm olanların ze'âmet ve timârlarına müdâhale olunmakdan ve alâkası olmayanlara hilâf-ı şer' ü kânûn dahl ü ta'aruz olunub rencîde ve remîde olunmakdan be-gâyet ihtirâz eylesin, şöyle bilesin, alâmet-i şerîfe i'timâd kılasın. Tahrîren fi'l-yevmi'l-hâmis ve'l-ısrîn min şehri Zi'l-ka'deti ş-şerîfe li-sene hamse ve sittîn ve elf.

Bi-makâmı Kostantiniyyeti'l-mahrûse.

Vusile fi 25 min Rebî'i'l-âhir sene 1066.

### Belgeden hareketle üzerinde tartışılacak konular:

Cümle analizi: Belgeyi doğru anlama ve anlamlandırma aşaması.

Belgedeki verilerden hareketle tarih bilgisi üretme aşaması: Bu noktada aşağıdaki konularla ilgili tartışmaların yapılması hedeflenmektedir.

- Osmanlı tımar sistemi
- Tahrir işlemi ve tahrir defterleri
- Defterhane-i Amire
- Osmanlı taşra örgütlenmesinde dirlik tasarruf edenlerin kimlikleri
- Cebelü bedeliyesi

**Konu ile ilgili okunabilecek literatürden bazı örnekler:**

Ömer Lûtfi Barkan, “Timar”, *İA*, XII/1, s.286-333.

Halil İnalçık, “Timar”, *TDV İslam Ansiklopedisi*, 41 (2012), s.168-173.

Hülya Taş, “Osmanlı Maliyesinde Bedel Uygulaması Üzerine Bir Değerlendirme”, *İkinci İktisat Tarihi Kongresi (Elazığ, 24-25 Haziran 2010): Bildiriler-1*, Ed.: Mustafa Öztürk-Ahmet Aksın, Elazığ 2013, s.291-311.